

**Ўзбекистон Республикасида Рақобат муҳитини ривожлантириш ва
истеъмолчилар ҳуқуқларини ҳимоя қилиш соҳасини янада
такомиллаштириш ва унинг ривожланиш истиқболлари**

(Ш.Шарахметов, Х.Худойбердиев, М.Сафаров, Д.Мирзаев, Р.Джураев,
З.Вахидов, О.Насиров, Л.Ачилова, К.Ниязов, М.Акрамова, Р.Назаров,
Л.Николенко, Ш.Латипов, Б.Атаханов, О.Усмонов)

К У Н Т А Р Т И Б И

1. Ўзбекистон Республикасида рақобатни ривожлантириш ва истеъмолчилар ҳуқуқларини ҳимоя қилиш соҳасини такомиллаштириш масалалари.
2. Рақобатни ривожлантириш ва истеъмолчилар ҳуқуқларини ҳимоя қилиш қўмитаси ҳузуридаги Жамоатчилик кенгашини ташкил этиш, кенгаши таркиби ва Низомни тасдиқлаш.
3. Жамоатчилик кенгаши йиғилишлари режасини кўриб чиқиш.

Раислик этувчи Д.Мирзаев ўзининг кириш сўзида бугунги куннинг муҳим мавзуларидан бири — Ўзбекистон Республикасида рақобатни ривожлантириш ва истеъмолчилар ҳуқуқларини ҳимоя қилиш соҳасини такомиллаштириш ҳақида фикр юритишдир кераклигига тўхталди ҳамда Мамлакатимизда бу йўналишда катта ислоҳотлар амалга оширилаётганини, чунки бозор иқтисодиётини ривожлантириш ва ижтимоий адолатни таъминлашнинг асосий шартларидан бири бу – рақобат муҳитини шакллантириш ҳамда истеъмолчилар манфаатларини ҳимоя қилишда инновацияларни жорий қилиш келажакда соҳани тартибга соладиган қонунчилик ҳужжатларини халқаро стандартларга мослаштириш, рақамли технологияларни жорий этиш ва маҳаллий ишлаб чиқарувчиларни қўллаб-қувватлаш вазифалари долзарб ҳисобланишини айтиб, Рақобат муҳитини такомиллаштириш ва истеъмолчилар ҳуқуқларини ҳимоя қилиш нафақат иқтисодиёт ривожини учун, балки, аҳолининг фаровонлигини ва ижтимоий адолатнинг таъминланиши учун ҳам жуда муҳимлигини, ушбу соҳадаги ишларни изчил давом эттириб, ҳар бир фуқаронинг манфаатларини ҳимоя

қилиш учун бор имкониятлардан фойдаланишимиз зарурлигини алоҳида таъкидлаб ўтди.

Жамоатчилик кенгашининг бугунги йиғилиши кун тартибига киритилган барча масалалар ушбу маъмурий-ислохотларни амалга ошириш чоратadbирлари билан боғлиқ эканлигига эътибор қаратиб, Жамоатчилик кенгашининг аъзоларининг ҳар бир фикр-мулоҳаза, таклиф-тавсиялари Қўмита фаолиятида муҳим аҳамият касб этишини қайд этди.

Биринчи масала юзасидан Жамоатчилик кенгаши аъзоси, Рақобатни ривожлантириш ва истеъмолчилар ҳуқуқларини ҳимоя қилиш қўмитаси раиси жамоатчилик билан алоқалар бўйича маслаҳатчиси **Отабек Усмонов** сўзга чиқди ва қуйидагиларни маълум қилди:

Ўзбекистон Республикаси Президентининг 2021 йил 4 мартдаги “2021–2025 йилларда фуқаролик жамиятини ривожлантириш концепциясини тасдиқлаш тўғрисида” ПФ-6181-сон Фармони ва 2018 йил 4 июлдаги “Давлат органлари ҳузурида жамоатчилик кенгашлари фаолиятини ташкил этиш чоратadbирлари тўғрисида” ПҚ-3837-сон қарори ижросини таъминлаш мақсадида қуйидаги таклифлар билдирилди:

- Жамоатчилик кенгаши таркибини 1-иловага мувофиқ тасдиқлаш;
- Жамоатчилик кенгаши тўғрисидаги Низомни 2-иловага мувофиқ тасдиқлаш;
- Йиғилишлар режаси Қўмита раиси томонидан тасдиқланадиган график асосида ташкил этилишини таъминлаш;
- Масъул бўлинмаларнинг кенгаш муҳокамаси учун қарор лойиҳаларини тайёрлаш вазифасини белгилаш;
- Жамоатчилик кенгаши йиғилишлари йиллик ва чораклик режа асосида ўтказилиши, ҳар чоракда камида бир марта йиғилиш ўтказиш талабини жорий этиш.

Иккинчи масала Жамоатчилик кенгаши фаолиятини тартибга солишга оид Низом лойиҳаси кўриб чиқилди ва муҳокама этилди. Низомда кенгаш

фаолиятининг мақсадлари, вазифалари ва масъулиятлари белгиланган. Барча аъзолар томонидан мазкур Низом бир овоздан маъқулланди.

Учинчи масала Жамоатчилик кенгашининг иш режаси ва йиғилиш мавзуларини режалаштириш бўйича таклифлар билдирилди. Режа доирасидаги йиғилишларда давлат органлари, хусусий сектор ва жамоатчилик ташкилотлари вакиллари иштирок этиши белгиланди.

**Юқоридагилардан келиб чиқиб, Жамоатчилик кенгашининг
умумий йиғилиши қарор қилади:**

1.Жамоатчилик кенгаши таркибини *1-иловага мувофиқ* ҳамда кенгаш тўғрисидаги Низом *2-иловага мувофиқ* Рақобатни ривожлантириш ва истеъмолчилар ҳуқуқларини ҳимоя қилиш қўмитасига тавсиявий рўйхат сифатида кўриб чиқиш учун таклиф этилсин.

2.Кенгаш йиғилишлари ва унинг фаолияти юзасидан маълумотларни Қўмитанинг расмий веб-сайти ва ижтимоий тармоқлари орқали эълон қилиб борилиши юзасидан тегишли тавсиялар киритилсин;

3.Кенгашнинг самарали фаолият олиб борилиши мақсадида, муҳокамаларига йиғилишлари ҳар чоракда камида бир марта ўтказиб борилиш тартиби белгилансин ҳамда ушбу таклиф кўриб чиқиш учун Рақобат қўмитасига тақдим этилсин.

4.Кенгаш муҳокамаларини тасдиқланган режа-график асосида самарали ўтказилиши ва Кенгаш қарорлари расмийлаштириб борилиши юзасидан Кенгаш ишчи гуруҳи масъул эканлиги белгилансин.

5.Рақобат қўмитаси раисининг жамоатчилик билан алоқалар бўйича маслаҳатчиси О.Усмоновга Жамоатчилик кенгаши билан доимий алоқаларни мустаҳкамлаш юзасидан ҳамкорлик қилиб бориш бўйича Кенгашнинг таклифлари киритилсин.